

1

Akhri buug-yarahaaga codbixiyeyaasha si aad u barrato waxa ku qoran warqaddaada codbixinta.



2

Warqaddaada codbixinta, buuxi goobaabinta ku dhinac taal dookhyadaada.




3

Saxiix xagga dambe ee bakhshadda soo celinta ee warqaddaada codbixinta.



4

Soo celi warqaddaada codbixinta. Haddii ay tahay sanduuqa lagu rido warqadda codbixinta ama boostada, wakhti hore codee!



5

Raad-raac warqaddaada codbixinta. Booqo kce.wiki/TrackMyBallot-SO ama isku qor helitaanka digniimaha warqadda codbixinta barta kce.wiki/BallotAlert. Kuwani waa hababka ugu wanaagsan ee lagu ogaado in warqaddaada codbixinta la tiriyay oo codkaaga la maqlay.



Sida loo

codeeyo!


Doorashada Gaarka ah ee Febraayo 2026

Degmada King Buug-yaraha Rasmiga ah ee Codbixiyeyaasha Deegaanka

sida ay codsatay Degmada Dugsiga Vashon Island Lr. 402

Isku qor si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor barta kce.wiki/TrackMyBallot-SO.



Is diiwaan geli si aad u codeyso



Oonleenka: Booqo VoteWA.gov si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee Doorashada Gaarka ah ee Febraayo waa Febraayo 2.



Boostada: Ka soo degso oo daabaco foomka diiwaan gelinta barta kce.wiki/VoterReg oo boostada ugu dir Doorashooyinka Degmada King: 919 SW Grady Way, Renton, WA 98057. Waa in la helaa ugu dambeyn Febraayo 2.



Shakhsi ahaan: Waxaad shakhsi ahaan iskaga diiwaan gelin kartaa xarunta guud ee Doorashooyinka Degmada King ilaa iyo Febraayo 10, Maalinta Doorashada. Macluumaad dheeraad ah oo ku saabsan saacadaha iyo adeegyada waxaad ka heli kartaa barta kingcounty.gov/elections.

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish, or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.


Nala soo xiriir si aad u hesho agabyadaada codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Baro wax dheeraad ah oo ku saabsan sanduuqyada lagu rido, Xarumaha Codbixinta, iyo in ka badan!



Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.

Barnaamijka Calaamadaynta Warqadda Codbixinta ee Oonleenka (OBMP) waxaa heli kara dhammaan codbixiyeyaasha diiwaan gashan. Waxaa loogu talagalay inuu u oggolaado codbixiyeyaasha naafada ah, gaar ahaan kuwa indhooleyaasha ah ama uu araggoodu hooseeyo, inay warqaddooda codbixinta si gaar ah u calaamadayaan.



Sida loo isticmaalo Barnaamijka Calaamadaynta Warqadda Codbixinta ee Oonleenka

- Tag barta kingcounty.gov/elections/obmp.
- Macluumaadkaaga geli foomka.
- Ku calaamadee dookhyadaada warqadda codbixinta oonleenka oo ka dibna daabac warqaddaada codbixinta ee aad buuxisay.

AMA

- Daabac warqaddaada codbixinta oo ka dibna gacanta ku calaamadee.

- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, sanduuqa lagu rido warqadda codbixinta ama adoo soo marsiinaaya boostada.

Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacaysno warqaddaada codbixinta.



Haddii aad u baahan tahay caawinnaad dheeraad ah ama hab kale oo aad u dhiibato warqaddaada codbixinta, fadlan kala soo xiriir xafiiskeena taleefanka 206-296-VOTE (8683).




Yaa deeq ku bixiya ololeyaasha?

Eeg ku-deeqyaasha dhaqaale ee musharaxiinta iyo cabbirrada sharciga ee gobolka iyo dowladda hoose:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828



Waxaan halkaan u joogaa in aan ku caawinno!

Shaqaalaha doorashooyinka ayaa kaa caawinno kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma doonaysaa inaad si gaar ah u calaamadaysno warqaddaada codbixinta? Ka hel warqaddaada codbixinta oonleenka barta kingcounty.gov/elections/obmp si aad uga faa'iidayso Barnaamijka Calaamadaynta Warqadda Codbixinta ee Oonleenka.

Warqaddaada codbixinta ayaa waxaa ku duuban macluumaad waxtar leh! Iska xaqiiji inaad lifaaqa warqaddaada codbixinta ka dhex eegto:

- shanta sanduuq ee lagu rido warqadda codbixinta ee kuugu dhow,
- halka aad ka heli karto caawinnaad shakhsi ahaanneed,
- sida loo daabacdo warqaddaada codbixinta haddii taada kaa lunto ama waxyeello soo gaarto,
- sida loo soo celiyo warqaddaada codbixinta,
- iyo in ka badan!

206-296-VOTE (8683)
elections@kingcounty.gov
kingcounty.gov/elections

Baraheena Bulshada
 @kcelections



Soo Jeedinta Lr. 1

Beddelaadda Canshuurta ee Barnaamijyada Waxbarashada iyo Hawlgalka

Guddiga Agaasimeyaasha ee Degmada Dugsiga Vashon Island Lr. 402 ayaa meel mariyay Qaraarka Lr. 826, ee khuseeya soo jeedin lagu maalgelinayo kharashaadka barnaamijyada waxbarashada iyo hawlgalka. Soo jeedintaan waxay Degmada u oggolaanaysaa inay buuxiso baahiyaha waxbarashada ee ardaydeeda iyadoo soo rogaysa canshuuraha dheeraadka ah ee soo socda, oo ku beddelaysa canshuurta wakhtigeedu dhammaanayso, ee dhammaan hantida la canshuuri karo ee gudaha Degmada, si loo taageero kharashaadka barnaamijyada waxbarashada iyo hawlgalka Degmada ee uusan Gobolka maalgelin:

Sannadka Ururinta	Heerka Canshuurta ee La Qiyaasay/\$1,000 Qiimaha la qiimeeyay	Caddadka Canshuurta
2027	\$1.50	\$7,083,882
2028	\$1.50	\$7,507,375
2029	\$1.50	\$7,956,277
2030	\$1.50	\$8,432,113

dhammaan sida ku cad Qaraarka Lr. 826. Ma tahay in soo jeedintaan la ansixiyo?

Haa

Maya

Qoraalka buuxa ee cabbirkan ayaa laga heli karaa Xafiiska Doorashooyinka ama oonleanka barta kingcounty.gov/elections.



Waxaad u codeynaysaa **Haa ama Maya** ee ansixinta Soo Jeedinta Lr. 1

Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))

Bayaanka Sharaxaadda

Ansixinta Soo Jeedinta Lr. 1 waxay Degmada Dugsiga Vashon Island u oggolaanaysaa inay beddesho canshuurta hadda jirta ee barnaamijyada waxbarashada iyo hawlgalka oo wakhtigeedu dhammaanayso dhammaadka sannadka kalandarka ee 2026. Canshuurtaan beddelka ah waxaa loo isticmaali doonaa in lagu daboolo baahiyaha waxbarasho ee ardayda iyo in lagu bixiyo kharashaadka barnaamijyada waxbarashada iyo hawlgalka kuwa aan si buuxda looga maalgelin Gobolka Washington. Macluumaad dheeraad ah ayaa laga heli karaa webseedka Degmada barta www.vashonsd.org.

Canshuurta beddelaadda ee afarta sanno ah ee lasoo jeediyay ee barnaamijyada waxbarashada iyo hawlgalka waxay oggolaan doontaa ururinta ilaa iyo \$7,083,882 sannadka 2027, \$7,507,375 sannadka 2028, \$7,956,277 sannadka 2029, iyo \$8,432,113 sannadka 2030. Heerka canshuurta ee loo baahan yahay inuu soo saaro caddadyadaan ayaa lagu qiyaasay inuu yahay \$1.50 halkii \$1,000 ee qiimaha la qiimeeyay. Heerarka canshuurta ee saxda ah iyo caddadyada la ururinayo ayaa laga yaabaa in la hagaajiyo iyadoo lagu salaynayo qiimaha dhabta ah ee qiimeynta la qiimeeyay ee hantida la canshuuri karo ee gudaha Degmada iyo xaddidaadyada uu soo rogay sharciga Gobolka wakhtiga la soo rogayo canshuurta.

Ka dhaafitaanka canshuuraha ayaa laga yaabaa inay heli karaan qaar ka mid ah mulkiileyaasha guryaha. Wixii macluumaad oo dheeraad ah, la xiriir Waaxda Qiimeynta Degmada King, 206-296-3920.

Wixii su'aalo ah ee aad ka qabto cabbirkan, la xiriir:

Peter Woodbrook
Kaaliyaha Fulinta ee Kormeeraha Guud
(206) 463-8627
pwoodbrook@vashonsd.org

Bayaanka lagu taageerayo

Maria Porter Steward, Nicole Martin, Lennon Bronsema
vashonyesforkids@gmail.com

Ku codee "haa" ee Soo Jeedinta 1 si dib loogu cusbooneysiyo Canshuurta Barnaamijyada Waxbarashada iyo Hawlgallada. Ku codeynta "haa" waxay hubinaysaa in dugsiyadeenu helaan kheyraadka muhiimka ah oo ka caawinaysa in arday kasta guuleystaan. Soo jeedinta 1 waa *dib-u-cusbooneysiinta canshuurta hadda jirta si loo taageero dugsiyadeena, ma aha canshuur cusub*. Ansixinta Soo Jeedinta 1 waxay muhiim u tahay guusha joogtada ah ee VISD iyo xasilloonida dhaqaale. Canshuurtaan hadda waxay ka kooban tahay qiyaastii 17% miisaaniyadda hawlgalka sannadlaha ah ee la qiyaasay ee degmada.

Waa muhiim in aan cusbooneysiino Canshuurta Barnaamijyada Waxbarashada iyo Hawlgallada anagoo ku codeynaya "haa" si loo cusbooneysiyo heerka canshuurta wakhtigeedu dhammaanayso ee \$1.50 halkii \$1,000 ee qiimaha hantida la qiimeeyay afarta sanno ee soo socda. Ku codeynta "haa" waxay hubin doontaa inaan maalgelino jagooyinka muhiimka u ah guusha ardayda, oo ay ku jiraan, balse aan ku koobnayn, macallimiinta caawinnaadda, kalkaaliyeyaasha caafimaadka, iyo shaqaalaha bulshada. Ku codeynta "haa" sidoo kale waxay oggolaanaysaa VISD inay bixiso fasallo waxtar leh oo diyaariya ardayda mustaqbalka sida: fasallada bandhigga farshaxanka, fasallada AP, koorsooyin tababarka xirfadaha, hawlaha dheeraadka ah, iyo ciyaaraha.

Inkastoo VISD hesho maalgelinta gobolka, qaabka maalgelinta gobolka ayaa ah mid duugoobay oo aan ku filnayn kharashaadka dhabta ah ee waxbarashada ardayda. Haddii aan la ansixin soo jeedinta 1, ma aha keliya in ay degmada gelinayso xaalad dhaqaale oo halis ah laakiin sidoo kale si weyn ayay hoos ugu dhigaysa tayada waxbarashada VISD ee arday kasta.

Bulshada Jasiiradda Vashon-Maury waxay muddo dheer taageertay dugsiyada dadweynaha iyada oo loo marayo canshuuro-taasoo muujinaysa jasiiraddan dadaalka ay u hayso ardaydeeda. Fadlan sii wad taageerada ardaydeenna iyo jasiiraddeena. Carruurta ugu codee "haa".

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyeyaasha deegaanka si ay uga caawiyaan codbixiyeyaasha inay go'aanno xog-ogaal ah gaaraan.

Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.